

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

2. Capillorum vanitas.

[urn:nbn:de:hbz:466:1-68709](#)

Iofernes ille Martis pullus, mente suam amisit, cùm Juditham vidit, quæ discriminavit crinem capitis sui, & captus est in oculis suis. Judith. c. 10. Quid, quòd assentatores comam Berenices, Ptolomæi regis filiæ à Dijs in astra relatam, ac jam capillorum nexus è stellis compactum apparere, non erubuerint mentiri. Adeò Medusea capita nunquam innocenter aspiciuntur; vel enim dementant gratiâ coloris, vel formidine horroris.

II. (b) Cirri & cincinni Medusæ in angues abierunt. Hoc crinale manet, superbas in sepulchro comas. Monet Hieronym. epist. ad Lætam, de institutione filiæ: Cave, inquit, ne aures perfores, ne cerufa & purpurissæ ora depingas, ne collum auro & margaritis premas: ne caput gemmis oneres: ne capillum irruferes, & ei aliquid de gehennæ ignibus afferceris. Minatur Isais c. 3. ejusmodi crinitis retiariis. Decalubabit Dominus verticem filiarum Sion, & Dominus crinem earum nudabit. Rectè verò; hoc est turritam superbiam molem, à summo deiice-re. Concidunt reliqua ornamenta omnia, si hic decor defluxerit. Apulejus hīc censor sit. Si, inquit, cujuslibet eximia & pulcherrimæ feminæ caput capillo spoliaveris, licet illa cœlo delapsa, licet omni Gratiarum choro stipata, & toto Cupidinum populo comitata, & baltheo succincta, cinnama fragrans, & balsama rorans, calva procerterit, placere non poterit. Quod & à Poëtis decantatum:

Turpe pecus mutilum, turpis sine gramine campus,
Et sine fronde frutex, & sine crine caput.

Experta est Medusa, quid sit capillari fastu intumescere. Nam quale monstrum, & quali dignum speculo, angueas pro cincinnis spiras in capite, unum in fronte oculum circumferre! Nimirum quò quæque avidiūs cupit videri ab alijs, hoc seipsum videt minùs.

III. (c) Perseus enim verò virum se præbuit, qui Medusam à tergo adortus est, unde nullum oculis periculum. Cum vertice præcidit causam nocendi, & materiam vitij, in virtutis spolium convertit. Nec mirum; Pallas ei cum Ægide sapientiam contulit, sine qua nulla victoria de hostibus, præfertim animi, reportatur. Aristoteles, ut Laërtius testatur lib. 5. c. 1. monuit, voluptates contemplandas, non venientes sed abeuntes; antrorum enim fucata specie blandiuntur, retrorsum pœnitentiam ac dolorem relinquunt. Hoc Perseus docuit, Medusam aspe-ctu exitiosam, à tergo aggrediendo.

IV. (d)

(b) Capillorum vanitas. (c) Victor cupiditatem.